

宋

會

要

宋會要

方域志

水利

太祖建隆二年西京留守向拱言重修天津橋洛水貫
西京多暴漲壞橋梁拱覓巨石為脚高數丈銳其前以
疏水勢石縫以鐵鼓畧之其制甚固詔書褒美 開寶
九年四月郊祀西京詔發卒五千自洛城采市橋壑渠
抵漕口二十五里饋運便之

方域志

太宗太平興國三年正月詔弓

箭庫使王文寶六宅使李維隆作坊副使李神祐劉承
珪往京西分護南路新河之後 白河在唐州南流入

漢先是轉運使程能建議開是河自襄漢下向口置堰
田水入石塘沙河合蔡河達京師塹山埋谷凡千餘里
引自河水注焉以通湘潭之漕詔發唐鄧許潁蔡陳
鄭丁夫數萬人赴其役又以諸州兵萬人助之歷博望
羅渠小柘山凡百餘里月餘抵方州而地勢高仰水不
能至復多役人以致水然終不可通漕會山水暴漲石
堰壞河不免就卒埋廢焉九月遣殿直李守澤浚絳州
汾河端拱元年供奉官閻門祇候閻文遜苗忠言開
荆南城東漕河至師子口入漢江可通荆峽漕路至襄
州又開古白河可通襄漢漕路至京詔八作使石全振
往視之遂廢丁夫治荆南漕至漢江可勝二百料重載

行旅頗便而古白河終不可開 至道三年正月內侍
閻承翰上力渙二水圖乞輟鄆陵縣修汴夫量事勾畝
并築隄塘從之

方域志

真宗咸平五年三月河北轉運使

耿望奉詔開鎮州常山鎮南河水汶河至趙州景德

元年正月北面開承翰言定州屯大兵歲役河朔民輦

運甚為勞苦竊見定州北唐河水可自嘉山東引至定

州計三十三里自定州開渠至蒲陰縣東約且十七里

入汴一本作沙河東經邊吳泊入界河足行舟楫不惟

易致資糧無可播種其旁引水灌溉以助軍食設險以

限戎馬從之四月保州趙彬請堰徐河水入雞距泉雞

距泉在州之南東流入邊吳泊歲漕粟以給軍食而地

峻水淺役夫挽舟甚為勞苦至是彬經度引水勝重舟

省人力詔獎之五月詔駕部員外郎滑脩已與京東興
運使按行梁山濼開渠疏水于淮脩已言徐州界有呂
隘舟行頗艱自來官置水手三十人又置二十人為隊
長往來挽致舟船本州頗弛慢不加督責山石溢舟行
為䟽導水手曾不畏懼但務擾民長吏未曾親臨省視
望專委官吏俟秋深水涸即遣匠脩此二洪詔脩已遷
一官令知徐州修其事八月雄州何承矩請令滄州乾
寧軍常督壕寨主吏專視斗口水口旦夕俟海潮至放
水入御河東堂堰以溢塘水從之二年正月詔定祁
州委官按視親開漕河及沿河寨柵勿令壅圮三年
八月侍禁閭門祇候胡守節言準宣按視趙守倫所開

廣濟河通夾黃河入清河臣與水平匠緣清河檢校其
自徐州至楚州灘峻處乞守倫未得興役先須經度若
是可以久遠通行漕運即于夾黃河興工添置斗門埧
子免費工料從之 大中祥符七年十月江淮發運使
李傳言準詔與內供奉官盧守懃按視杭州江岸請依
錢氏舊制立木植石以捍湖波從之仍令守懃專掌其
事初江潮悍激止及西興至是直抵州城知州戚綸轉
運使陳堯佐請累稍為岸既成會綸等徙任或言其非
便故令濟等視而改之 八年九月令京西轉運使與
鄭州知州相度開小河導湖河退水入州城塲時入內
殿頭李懷質言金水河與湖河合流多穢濁乞畝湖別

常切巡護逐年檢計工料差夫并逐填兵士淘取泥土
脩貼隄岸每春率逐填兵士于牽路外多栽榆柳如河
隄無虞林木青活年終令輦運司點檢不虛批上愿于
理為勞績如怠慢缺岸頽跌栽種失時勘逐科罰五月
兩浙轉運使言潤州開河畢工降詔獎之八年正月
虞部郎中知萊州閻胎慶言開修夾黃河畢詔還一官
賞之嘉祐二年三月二十八日詔六塔河水見浸博
州將來河水汎漲東流轉大令轉運使李叅等相度分
減東流不得滄浸向下州軍三年正月開京城西葛
家岡新河以有司言至和中大水入京城請自祥符縣
界葛家岡開生河直城南好草��北入惠民河分入魯

溝河以紓京城之患也命名為永通河凡役工六十三萬九月而成六年八月江淮制置發運司言淮水壞泗州知州王瑬通判張師中能協力保完之乞降詔獎諭從之

宋會要

方域志

仁宗天聖元年閏九月淮南制置發運使趙賀入內供奉官張水和準勅往蘇州相度積水今相度得吳江等縣自來工石塘路橋道合依舊修疊隔欄太湖風浪護

占民田從之 三年六月淮南制置使張綸請開真州
長蘆口河道從之 五年六月淮南制置發運副使張
綸言楚州高郵軍界運河隄岸修築其知楚州寶應縣
張九能知高郵縣李居方管勾河隄種植榆柳委寔用
心欲令逐官添管勾運河隄岸今終三年從之仍自今
所差寶應高郵知縣並帶管勾運河隄岸事九能後坐
開運河不切防護水衝隄岸浸民田罰金降監當差使
六年六月殿中侍御史李紘言徐州沛縣有古汜河
及清河濟州任城金鄉兩縣有故大義河並各淺淤
淤
汲望開撥修疊隄岸詔轉運司計度工料以聞 七年
二月京東轉運司言緣廣濟河并夾黃河縣分今佐乞

派故也 天禧三年十二月上封者言崇儀副使史瑩
于鄭州界開新河流入金水河非便詔京西轉運副使
杜審與鄭州知州詳所奏規度利害以聞是日遣殿中
侍御史張宗象與淮南勸農使王賈之同相度開楚州
西門外運河宗象言若開河可免淮河風濤阻滯拋失
舟船頗為利便詔俟將來歲稔奏裁施行 五年六月
知江陰軍崔立勸部民浚港溉田下詔獎之

英宗治平三年三月命同判都水監張瑄與河北轉運使沈
立度治澶州上六塔河

宗熙寧三年正月十二日提舉河北便糴皮公弼提舉

方域志 神

常平倉王廣魚言相度王庠擘畫商遐村地分開御河
池漬腦難以興工如劉彝程昉所擘畫仍添展工料為
便詔依所奏發邢洛磁相趙州真定府夫及都水監卒
治之以廣廉昉都大管勾本路轉運使劉庠提舉至六
月開修新河東趨通快別無阻礙先是臣寮奏御河可
於恩州武城縣開約二十餘里入黃河北流故道下五
股河故命彝昉相度而冀州通判王庠言若只於今來
見行流去處下接胡蘆河地里近便地形卑下不至大
段枉費民力彝等人奏據庠言同共相度上件河道雖
是見今御河水勢行流於理為順其有漫淺膠泥深闊
去處即須至更興修却閘口方免阻滯細船其工役入

須二三年令除郝閘口一十八里外烏欄堤東北至小
流港橫截黃河入五股河計一百二十餘里地形低下
有積水可以開河引撥水勢至永靜軍自五股河入故
道四年八月四日令淮南發運司召人進納見錢差
雇人夫開修泗州洪澤河五年正月十七日賜權發
遣江淮等路發運副使皮公弼銀絹二百仍賜勅書獎
諭初公弼言漕運涉淮有風波之險乞開洪澤河六十
里稍避其害詔委公弼提舉至是工畢人以為便故有
是賜七年正月二十七日詔權停修白溝河移夫濬
自盟河詳見白溝河八年四月十七日都大提舉黃
御等河公事程昉言乞自潯沱胡蘆兩河引水淤溉潯

沱南岸魏公孝仁兩鄉瘠地萬五千餘頃自永靜軍變
陸道口引河水淤溉北岸曲淀等村瘠地萬二千餘頃
乞並俟明年興工從之五月十八日詔同管勾外都水
監丞程昉權知都水監丞劉璿提舉開廣沙河初昉璿
言王供埽地有沙河故道可開廣取黃河水灌之轉入
枯河下合御河即黃河堤置斗門啟閉其利有五王供
迺向着埽免河勢變移別開口地一也漕舟出汴對過
沙河免大河風濤之患二也沙河分水一支入御河大
河漲溢沙河自有節限三也御河漲溢有斗門啟閉無
充注填淤之憂四也德博舟運免數百里大河之險五
也開河用工五十六萬七千四百九十三請發卒萬人

役一月可成故從其請而有是六月二十八日詔判都
水監史叔獻減磨勘二年丞劉璿一年殿直劉永年二
年以開營家口有勞也九月五日中書門下言訪聞深
部永靜等州軍胡蘆濬沱沙河新河山水泛漲例倚衝
決岸口所有合修治堤防及開濬淤澁欲令外部水監
丞及水利司檢計施行仍先具工料及令轉運司勘會
淹浸民田頃畝都數以聞從之九年五月二十六日
提舉淮南常平倉王子京言提舉開修運鹽河自泰州
至如皋縣共一百七十餘里日役人夫二萬九十餘六
月修濬沱河功畢四月司農寺言修丁家河畢詔推恩
官吏十九日高陽閑路安撫司言信安乾寧軍塘漂昨

因不修獨流決口至今乾涸乞於撲梅堰南引御河水
上批聞近歲塘水有極乾淺處當職之官頗失經治可
於兩路各選委監司一員以巡歷為名點檢具闊狹深
淺畫圖以聞已而河北東西路提點刑獄韓正彥韓宗
道各具淤澱乾淺處以聞詔送河北屯田司相度當興
修所在計工料聞奏其官吏仍令東路轉運司劾之七
月四日知太原府韓絳言府西汾河夏秋霖雨水勢漲
溢與黃河無異近淤澱河道高起汎漲為患乞於本府
雄猛指揮差兵級百人專切條築救護及令堤上種植
林木以充梢樁仍降濬川把樣及差人指教並從之
元豐元年閏正月三日前行知曹州劉放言伏見知濟陰

縣羅通開導古澆河決洩積水有功通議以為若明年
春許差人夫及取民願併力施功則瀾後水害可使永
除乞下本州速與應副上批可記通姓名以通知陳留
縣仍詔通留舊任侯見任官成資日交替六月七日京
東路體量安撫黃廉言本路被水乞勅有司檢計溝河
候豐熟令所屬調丁夫濬治梁山張澤兩淤累歲填淤
浸損民田亦乞自流濬至濱州從之仍令都水監遣官
同轉運司檢視工料二年八月十三日詔濬淮南運
河自邵伯堰至真州十四節分二年用工從轉運司奏
也十二月十二日定州安撫使韓絳言大理寺丞楊嬰
尋訪得定州界西自山麓東接塘淀綿地百餘里可以

潞水設為險固願聽營葺從之仍詔以引水灌田為名
三年六月十五日權判都水監張唐民請復黃汴諸
河歲差修河客軍九千人額從之八月一日京東轉運
司言濰州白浪河每歲滄浸護城堤岸去年費稍草萬
餘僅免水患知州楊米開河引導遂不至城下費省患
弭詔降勅書獎之四年六月十四日幹當御藥院竇
仕宣言相視大河至乾寧軍撲橋口以下流行未道河
道又緣河東北流自小吳向下與御河胡蘆潯沱三河
合流若於漲水之際深慮堤防艱難乞令都水監定三
河合黃河其三河於何所歸納詔遣李立之相度後立
之言三河別無回河歸納處須當合黃河行流從之

六年八月六日江淮等路發運副使蔣之奇言長淮洪澤河實可開治願亟興工詔陳祐甫相視以聞已而陳祐甫言田集任淮南提刑嘗建言開河其後自淮陰至洪澤訖成厥功獨洪澤以上未克興役臣今相度既不
用師蓄水惟隨淮而高下開深河底引淮水通流則於
勢至易其便甚明行地五十七里計工二百五十九萬
七千役民夫九萬二千一月兵夫二千九百兩月麥米
十一萬斛錢十萬緡分二年闕詔限一月仍令蔣之奇
陳祐甫同提舉

哲宗元祐四年六月二十六日知

陳州胡宗愈言本州地勢卑下至秋夏之間許蔡汝鄧
西京及開封諸處大雨則諸河之水並由陳州沙河蔡
河同入潁河潁河不能容受故陳州境內潴為陂澤今
沙河蔡河合水潁河處有古八丈溝可以開濬分決蔡
河之水自為一支由潁壽界直入于淮則沙河之水雖
湧不能壅遏昔有項城縣令姚闢曾建此議詔府界提
刑羅適依宗愈所奏仍兼提舉淮南西路接連合治水
利 紹聖元年七月十二日殿中侍御史郭知章言昨
被命賑濟體問得京東路曹濟濮廣濟等州軍地勢汗
下累年積水為患雖豐歲亦不免為憂緣往年府界提
刑羅適開畝府界諸縣積水引而委之於京東而京東

河道未有措置故水無所歸望選監司令疏濬京東河道詔令本路提刑司審按如有積水即具合如何開畝聞奏三年四月十七日河北路轉運使吳安持言御河自元豐四年因小吳決溢太河北流遂致湮塞今大河趨御河復出請委前都水丞李仲專提舉開導從之四年二月十一日詔降度牒百道付洪州鬻錢以募闕食小民開治本州內外湖港從江西轉運鈐轄司請也九月一日詔兩浙歲旱本路運河如有填淤處優給雇直募人開濬元符元年三月五日詔新修楚州支家河賜名為通連河以工部言淮南開河所奏其河係導引連海河與淮水相通乞賜名故也

紹聖四年閏

二月十九日工部言京西都大堤舉汴河堤岸楊琰乞
依元豐年例減放洛水入京西界大白龍坑及三十六
陂充水櫃準備添助汴水行運等下都水監相度欲乞
興復悉如元豐故事甚便詔賈種民楊琰同相度合占
頃畝及功力以聞

方域志

徽宗宗寧四年五月十五日提舉兩浙路常

平等事徐確言蘇秀湖三州見管開江兵士一千四百
人并使臣二員欲就令逐官專切點檢已開吳松古江
如有潮沙淤澱即時開淘須管常及今來開掘深闊丈
尺決洩水勢取令通快華亭昆山縣知佐每季輪那巡
視具有無淤塞去處開報本州縣及監司并委蘇秀二
州通判半年前去檢點監司依分定歲巡親往檢察開
江使臣若能用心開淘並無漲沙堙澱任滿減二年磨
勘如敢弛慢却致沙泥堙澱即展二年磨勘逐縣知佐

并兩州通判如不依立定日限逐時前去點檢亦令監
司點檢勘効施行從之 大觀元年十一月十四日詔
升行大江或遇風波頗遭覆溺之害訪聞兩岸有港澳
可保歲久堙塞其令所在州縣檢視悉行開濬每澳降
祠部度牒十道給其費仍令發運司開具合修港澳處
以聞 三年二月十五日朝議大夫張竦言河陽界元
相度於上渦西南馬村開直河一道溫縣南堯風村開
直河一道內上渦馬村直河開修了當已見成效外有
溫縣堯風村直河本縣人戶經朝廷陳狀稱開掘莊并
桑枣數百頃直河司遂乞權罷開修契勘得所掘民田
止是數頃欲乞乘此豐稔下都水監依元相度對事理

起今春復行開修奉詔令都水監相度開修勘會所占
民田若不優給價值切慮虧損入戶詔據合拘占田於
見今價直上更增三分限十日支給四年四月十四
日工部言淮南江浙荆湖都大制置發運司狀兩浙路
運河失於開治蓋為州縣不切點檢開修是致阻節綱
運雖有本州審度指揮緣別無法任責州郡終不究心
欲乞令兩浙州縣運河依元符二年九月十八日淮南
運法令知州通判兼管從之政和二年七月十二日
詔于兩浙路支撥見管度牒一百道修築錢塘江從兵
部尚書張問請也三年七月二十日詔吳江修整了
當專監修官轉一官餘官各減二年磨勘承直郎以下

依條比類施行從兩浙轉運提舉司奏也 五年四月十五日詔通利軍三山開河修繫永橋今米放水了當其在彼公役人賜銀絹錢物有差 六年閏正月七日知杭州李偃言湯村巖門白石等處並錢塘江通大海日受兩潮漸致侵齧乞依六和寺岸用石砌疊詔令劉既濟措置四月二十七日詔賜開濬大名府壕河官吏轉官有差八月十七日詔鎮江府旁臨大江舟楫往來每遇風濤無港河容泊以致三年間覆溺凡五百餘艘訪聞西有舊河可以隱避歲久堙廢宜令發運司計度濬治 宣和元年十二月六日詔開修鬼源河并直河畢工孟昌齡降詔獎諭餘人轉官減年有差 二年十

一月四日江淮等路發運使陳亨伯言奉詔措置楚州至高郵亭一帶河淺澁相度運河別無上源惟賴陂湖灌注行運今歲春夏闕雨陂塘潮水例皆低淺山陽河道比南地稍高遂委官前去催促開濬州縣並不究心致河水淺澁知楚州杜總知山陽縣賈若全無心力楚州通判康大年頗勤職事臣見與趙億孫默日逐措置詔杜總賈若勒停差程固知楚州山陽知縣令吏部限一日差注仍令陳亨伯同本路轉運常平司隨宜措置三年正月二十六日詔改開封府中牟縣敲脰河為靖澗河三月二十八日高州防禦使李琮言真州係外江網運會集要口所裝糧斛五十餘萬以河運淺澁不

能津發契勘真州以來轉運河南岸有泄水斗門八座
去江不滿一里相度乞將斗門河身開掘面闊一丈五
尺門深五尺於江口近裏約十丈以來打築軟壩賺引
潮水入河捺定即蓄一潮之水量度功力可消水車數
倍仍逐斗門差官專一監督亦作交替令真州日具功
程回報今來運河雖每十里作壩緣至揚州界地名楊
子橋仍於南岸權置小堰廣用水車畝以南河水不惟
不走運水復得廣有車水資助可以浮應網船詔令趙
億王似錢德輿疾速措置施行 五年八月七日發運
提舉司廉訪所言兩浙運河自今河身淤澱稍愆兩澤
便有淺淤致妨漕運合行深濬數內鎮江府地名新豐

界運河底有古置經函係準備西岸民田水長泄入江
今來若行取折開濬恐雨水連併却致損壞堤岸無以
發泄今相度鎮江府丹陽縣界運河可開深至經函上
下却於兩岸展出河身作馬鰓開闊外有呂城閘外至
杭州一帶河道各合用水手打將河底一例開深五尺
亦作馬鰓開闊並委逐州縣守令檢計工料并將來差
顧人夫合用錢糧管幹開濬委是經久利便從之 六
年十月六日江淮荆浙等路發運副使盧宗原言池州
大江係上流網運經由東岸有暗石二十餘處西岸有
沙洲謂之拆船灣廣二百餘里前後壞舟不可勝數東
岸有沙洲謂之沙地四里餘若開通入杜湖經平水徑

之口而避江行二百里風濤之險實為大利從之

丞侯叔獻言近准詔從所請開白溝等河欲以白溝為
熙寧六年正月清汴儲三十六陂及京索二水為源倣真楚州開平河
置埽四時行舟因罷汴渠上曰叔獻開白溝河功料未
易辦乃欲來年即廢汴渠宜更遣官覆驗且汴渠水運
甚廣河北陝西資焉又都畿公私所用良材皆自汴口
而至何可遽廢王安石曰此役若成亦無窮之利當別
為漕河以通黃河一支漕運河乃為經久耳馮京曰若
白溝成與汴蔡皆通運輸為利愈大臣恐汴河終不可

廢上然之詔劉璿同反獻覆視以聞後覆視河長八百
里工大分為三歲興修從之

方域志 高宗光堯

皇帝紹興元年十月十三日倉部員外郎成大亨等言
兩浙運使徐康國具到上虞縣梁湖堰東運河淺澱一
里半已來有旨令工部郎官各一員前去限一日相度
申尚書省臣等遵依起發前去打量可料自梁湖堰至
住家埧共一里一百八十丈淺澱去處深淺尺寸不等
計積二十四萬二千一百畝每工開運土四十尺共合
用開撩計六千五百二工詔依其合用錢米令戶部應
付仍限三日令本縣令佐監督併工開撩及誠約合干
人不得拖延別致減尅錢米十六日都省言越州至餘

姚縣運河淺溢埧閘隳壞阻滯綱運詔差徐康國蔡向
失璞限一日起發前去措置開畎仍具修整次第及日
具逐官所至申尚書省康國等開具會稽縣都泗堰至
曹娥塔橋合開掘淘撩河身夾塘共用七萬一千二百
一工詔令和雇人夫開淘限十日了畢其合用錢米令
轉運司應副如見闕乏具令戶部借支具支還數却令
轉運司撥還 二年四月十六日臣僚言臨安府城中
惟籍湖水喫用自來雖採捕之類亦嚴禁止今訪聞諸
處軍兵多就湖中飲馬或洗濯衣服作踐致令污濁不
便詔令諸軍統制官常切戒約如違重行斷遣本部統
領官失覺察亦一例施行仍仰李振差兵級一百人擺

鋪巡捕

三年十一月五日

宰臣奏開修運河淺溢畫

一上曰間有言以五軍不

堪

出戰士卒充此役者固不

可又有言調民而役之者尤不可惟發旁郡廂軍壯城

捍江之屬為宜至於廩給之費則不當各宰臣朱勝非

等奏言開河

或以非

今急務而饋餉艱難為害甚大故不

得已但時方甚寒役者良苦臨派人侵塞河道悉當選

避至於畚揭所經泥沙所積當預空其處則居人及富

家以僦屋取資者皆非便恐議者以為言上曰禹卑宮

室而盡力乎溝洫浮言何恤焉

四年正月十八日樞

密院言臨安府見開撩運河雖下浙東西州軍各差到

廂軍兵士役使即目尚自闕人今來神武右軍有能舉

王材史康民下棟退不堪披帶人兵已降指揮並均撥
與浙東州軍充填廂軍理且措置詔令張俊將棟下人
依數差將校使臣管押赴臨安府交割與梁汝嘉收管
訖日下同馬承家寄躬親揀點將少壯人就交付諸州
差來開河部押兵官應副役使候畢工日部押歸本州
內患病老弱之人具姓名申取樞密院指揮如諸州開
河兵官有未到權令臨安府收管使喚候到交割並日
下放行口券錢米無令失所逃竄二月三日上諭宰執
曰開河工料如何兩不妨作否人或以為非急務朕語
之曰禹卑宮室而盡力乎溝洫孔子以為無間然安可
謂非急務但安措盡有方耳四日兩浙運副馬承家等

言開撩臨安府運河元約兩月為期已於今月二十三
日興工自跨浦橋及飛虹橋北下手開掘以二十日為
一料今欲候第一料畢工從朝廷先次差官覆視應得
元開深闊丈尺接續開撩第二料更合取自朝廷指揮
詔依差都司工部郎官寺監丞各一員臨時從朝廷指
揮差侍御史李炳言開河兵級及部役幹當官吏依已
降指揮量行犒設具列除役兵外六項屬官三項使臣
四項人吏貼司所支錢自五貫三貫兩貫至五百文雖
有等差然名色眾多不無冒濫如樞密院使臣七員何
預開河之事轉運司主管催驅工料官共八員既逐州
軍官兵認定各有部役兵官何用驅催轉運司主押官

并貼司共五人既興工役即別無大段行遣如壕寨等
官下人吏共三十二人彈壓官下使臣七員皆是冗數
又彈壓兵級二百人何所用之不惟逐項僥倖支散往
往觀覲畢工保奏恩賞兼役兵四千一百二十四人訪
聞工部郎官點檢得實役兵只三千餘人其餘多是影
占逐處當直及壕寨官安頓妄作名目差留在嚴州借
事不知壕寨司元初檢計開撥工料係若干土工都數
如何拋撥雖四十州軍差到人兵數目不同亦須預先
隨多寡分認料數况州軍各有管押兵官部役豈有役
兵不足虛認工科卻容影射差借之理逐人每日支破
錢米既不著役未委何人徇冒請願今來犒設給散必

有所歸竊慮上下通情作弊乞下工部取索本郡郎官
曾與不曾檢點見案着役兵不同回依如何究治委有
上件影射占差沿虛數乞送所司根勘施行所有官吏
犒設亦乞減半支給庶使着役勞苦之人不至怨憤從
之二十二日工部員外郎謝伋等言知臨安府梁汝嘉
具到開撩本府裡河深處乞更不須開掘其填子基并
餘杭門裡外一節措置併工量行挑撩臣等躬親將帶
壕寨前去自地名葛公橋填子基探量水勢至餘杭門
裡外兩處各有水四尺五六寸可以隨宜挑撩外其餘
河本皆及四尺七八寸至五尺以來欲依梁汝嘉等所
乞施行從之二十七日刑部言兩浙運副馬承家等言

臨安府運河開撩漸見深濬今來汾河兩岸居民等尚將糞土瓦礫拋擲已開河內之嚴行約束本部尋下大理寺立到法輒將糞土瓦礫等拋入新河開運河者杖八十科斷仍今在城都監及排岸外沙巡檢常切覺察如有違戾許臨安府依法施行及仰本府多出文榜曉諭今省詳欲依本寺所申從之三月五日御史臺言自來開撩河道合在冬月水涸之時今臨安府所開運河却於春間興役跨涉三月未見畢工近緣春雨頻併水深數尺所役兵夫無處措手兼訪聞元作三料工役第一料乾淺去處先已開撩了當第二料有夢小未開處并第三料水皆已深乞令臨安府守臣同元管漕臣疾

續

速相度將時漕運去處量行開撩但舟船可通不必盡
依元料如水深難施工處即且住罷候令冬乾涸再行
鳩集詔令梁汝嘉馬承家限三日同共相度申尚書省
八年十一月十一日知臨安府張澄言臨安府引江為
河支流於城之内外舟楫往來為利甚博歲久煙塞民
頗病之頃由陞對嘗乞曰農隙畧加濬治今再講究更
不調工夫止乞下兩浙轉運司副那廂軍壯城兵士逐
州軍定共差一十人遶兵官將校部轄嚴責近限發赴
本所開濬以工程計之半年之外河流無壅豈惟百物
通行公私皆便兼春夏之交民無疾厲之憂從之
九年八月十七日知臨安府張澄言聞錢氏時嘗置榜河

兵千人其後稍廢至元和中知州杭蘇軾始請于朝廷
加開浚湖水深廣為利非一達今五十餘年葑田彌望
堙沒大半況今車駕駐蹕一城億萬仰六井之水為多
乞許本府召置廂軍士卒二百人衣糧依崇節指揮則
例委官同縣屬庶領其事專一浚湖其或借使他役計
賊定罪如有已占種田其間者亦重置於法從之 十
五年七月二十四日給事中李若谷等言詳看到兩浙
路轉運判官吳恂奏浙西湖秀州平江府舊年常有積
水之患田不能耕逃移失業昨因提舉常平官趙霖開
濬華亭處沾海三十六浦決泄水勢二十年間並無
水患比年以來諸浦堙塞上河水泛滄損田畝不可勝

計欲乞委浙西常平司措置支借常平錢穀諭人戶於
農隙之際併力開濬以為永久之利今欲依所乞從之
十六年八月二十五日宰執進呈臨安府措置在城舟
船並令城外擺泊上曰已濬河道舟船之便多是居民
因循填塞可行下臨安府禁止之 十七年六月一日
上謂宰執曰臨安居民皆取汲西湖聞近年以來為人
買撲拘占作葑田種菱藕之類沃以糞穢豈得為便况
諸處庫務引以造酒用於祭祀尤非所宜可令臨安府
措置禁之 十九年二月三日上謂宰執曰近降指揮
開濬運河可以催促日下興工恐春深有妨農作十三
日上謂宰執曰昨降指揮開濬運河朝廷應副錢米因

以養濟閼食民戶竊慮公吏減尅或於諸縣調夫反有騷擾可告諭湯鵬舉漕泳躬親檢察毋致違戾三月二十六日前知和州徐嘉問言和州城下古河一道自金山縣發源東入州城流歸大江自經兵火沙礫埋塞舟楫不通每歲起發上供及諸司綱運遵陸二十五里始至江次計一歲裝綱約用八千餘工雇募夫役不無騷擾乞下提舉司量行應付令本州將來農隙濬治舊河灌漑旱通有利無害詔本路轉運司相度申尚書省七月二日上謂宰執曰西湖灌漑所資其利不細歲久淤澱宜措置修治八月十一日知臨安府湯鵬舉言開撩西湖及修砌六井陰竇水口增置斗門閘板通放入井

已得就緒今條具下項一紹興九年八月十七日已降
指揮許本府招置廂軍兵士二百人衣糧依崇節指揮
例支破見管止有四十餘人今已撥填揆及元額蓋造
寨屋舟船每名日亦支米二升半錢五十文專一撥湖
依昨降指揮不許他役如違計贓定罪 一前任知府
張澄於紹興元年八月十七日已降指揮差前錢塘縣
尉魚管西湖灌溉事今欲專差武臣一員主管每月支
錢三十貫文知通逐時檢察候任滿日委有勞績保明
推恩一西湖菱藕往往夾和真穢已種澆灌紹興十七
年六月內申明不許請佃栽種今來又復栽種填塞臣
已將違荷租錢並除放訖犯人從杖一百科罪追賞錢

三十貫文有官人申朝廷取旨施行從之二十一年

正月二十二日上諭宰執曰布衣步孝友上書言鎮江

府練湖歲久堙塞艱於漕運令本路漕運司措置開修

二十九年四月十五日知鎮江府楊揆言運河高仰藉

練湖水添注稍乾涸運河極淺今來接伴傳宣押宴若

乘船至常州出陸至鎮江就楊州船以往庶惜得湖水

以備使人往來之用送兩浙轉運副司趙子濡者詳欲

下鎮江府常州專委通判相視夾商呂城奔牛閘一帶

運河淺溢處通徹潮港支撥錢米多雇人夫差縣官巡

尉監督卓猷并將練湖水措置引導指期通放添注運

河餘依楊揆所乞從之十月二十一日上宣諭知樞密

院事王綸曰往年宰臣嘗欲盡乾鑑湖去歲可得十萬
斛米朕謂若遇歲旱無湖水引灌即所損未必不過之
凡事須速慮可也王綸奏曰貪目前之小利忘經之遠
圖最謀國者深誠此一事當時非陛下止之今民間必
受其患聖慮宏遠侔古帝王矣上又云孔子以卑宮室
盡力溝洫謂吾無間然可知聖人以此為重大抵立事
只問是與不是為己與為百姓故孔子無間若紂之陂
池則是縱己私欲故聖人罪之王綸奏曰雖聖人復起
不易斯言

全唐文

宋會要 壕塹

真宗大中祥符二年三月二十五日詔罷凌慶州界壕
塹 先是環慶鈐轄曹瑋發兵開壕趙德明移牒鄜延
鈐轄李繼昌言其事蓋德明多遣人齎違禁物竊
市於邊間道而至懼長壕之阻也朝廷方務招納
故止其後

諸寨

宋會要 置水軍寨

紹興三十二年四月二十七日廣南西路經畧安撫提
刑司申本路轉運判官鄧酢言廣西瓊雷化欽廉等州
自來不曾置水軍遇有海賊衝犯如臨無人之境今欲
招募水軍四百於瓊州白沙海港岸置寨屯駐差主兵
官一員合用先鋒戰船六隻面濶一丈六尺又大戰船
四隻面濶二丈四尺從沿海逐州以係省錢置造逐司
詳所陳事理除依舊存留雷州已置水軍二百人統領
一員在雷州駐劄欲瓊州招置二百人就於本州駐劄
經畧司准脩將領兼海南水陸都巡檢一員於白沙港
岸置寨統轄水軍彈壓盜賊詔

牧馬軍寨

乾道四年六月四日知揚州莫濛言措置起蓋揚州牧馬官兵寨

殿司戍寨

乾道八年十一月詔令殿前司差統領官一員將帶壕寨等前去揚州與胡堅常高禹同共相視修蓋出戍官兵寨屋

臨宗寨

在澧州崇寧三年以南宗置

羅蒙寨

在誠州漢陽軍漢陽縣元豐七年置

栢尚寨

在思州南賓縣咸平二年置

葉煥寨

十月七日徑原路總管司請修葉煥寨募置牆人弓箭
十指揮從之

將中寨

在荆湖路衡州熙寧六年廢

賀家寨

在鄜延路延州延永縣太平興國六年置

栢家寨

在河北路滄州無縣嘉祐二年廢

董家寨

屬河東路火山軍雍熙三年置

駱家寨

在豐林縣太平興國八年重修

裴家垣寨

嘉祐四年二月十日河東經畧安撫使孫沔請廢府州
西安靖化宣威清塞百勝中候及麟州橫戎神林惠寧
肅定鎮州臨塞等十二堡寨使臣具兵馬糧草令旁近
大寨番遣人守護之復創麟州西裴家垣寨積糧草以
應接麟州詔存府州中候百勝塞麟州鎮州寨餘從之

曹村寨

在晉州靈邑縣開寶四年置

胡容寨

太平興國四年置在代州

吳堡寨

在石州元豐五年寨

梁才進寨

在榮州公井縣淳化五年置

小盧新寨

在渭州平涼縣開寶七年置

仁孝寨

河東路在舊阿翁寨政和三年改

下卷五十五

威多寨

涇原路德順軍政和七年以威多臺置

隆德寨

涇源路順德軍天禧元年置羊牧隆城慶厯三年改為寨

德靖寨

涇原路保安軍天禧四年置名延子城天聖元年改子城為德靖寨

保勝寨

涇原路保安軍康定二年置後廢

百勝寨

在府州府谷縣慶應年間修復

得勝寨

涇原路德順軍天嘉元年置

萬安寨

在豐林縣康定元年以鎮為寨

永安寨

在黔州黔江縣明道元年修復

平安寨

在原州西八十里天聖五年置

黔安寨

元豐元年閏正月三日荆湖北提點刑獄司乞辰州會

漢城點安寨依沅州城寨例置牢屋區斷公事後之

延安寨

在豐林縣康定元年置

通安寨

在夔州路淳熙十五年置

咸羌寨

隸郭延路舊白洛甯新寨

臨羌寨

在德順軍元符二年以秋葦川置 五月十四日涇原
路汪畧司奏統制四路軍馬王恩保明修築天都臨羌
寨西安州提舉修城等官詔各進官一等

伏羌寨

在湟州政和八年隸西寧州

平羌寨

在廊延路紹聖四年置

邊羌寨

在經原路德順軍舊設煙後寨元符元年改

寧羌寨

在環州通遠縣舊萌邪門三岔新城

鎮羌寨

在涇原路德順軍舊扁江新寨紹聖四年改鎮羌一在

茂州熙寧九年置 三年三月二十二日瑞明學士涇

原路安撫使章榘言先准朝旨後門床地掌如已興工
連罷其天都山在九羊谷西北去鎮羌寨百餘里而床
地掌泥棚障西邊鎮羌寨南至懷遠寨更有木魚皆是
賊來路縱將來進築直據天都其九羊谷鎮羌寨西面
亦當閘防而野並川見是賊之行路乞選侍從或親信
案視如臣謬妄乞重貶黜詔榘奏報輕易降充龍圖閣
直學士

靜羌寨

在麟州慶曆八年置在連谷縣

殊羌寨

河西路在舊那娘山新寨元符元年改

威戎寨

在鄯延路紹聖四年以聳塔平置

克戎寨

在鄯延路舊浮圖寨紹聖四年修復賜今名

平戎寨

在鄯延路舊杏子河新寨紹聖四年改

殄戎寨

隸鄯延路舊那娘山新寨元符元年改

定戎寨

涇原路德順軍舊減隈寨元符二年改

寧遠寨

卷五十五

荆湖路在道州江華縣慶曆初置熙寧六年廢慶曆元年十月三日三司戶部副使李宗詠供備庫使帶御器械王從善往河東復修寧遠寨知并州楊偕言麟豐二州及寧遠寨並在河外與賊接界無尺帛斗粟之輸以佐官用而麟州歲費緡錢百萬今豐州寧遠寨已為賊所破惟麟州孤壘距府州百四十里遠在絕塞雖寧遠介二州之間可以為策應兵馬宿頓之地又其中無水泉可守若議修復徒費國用今請建新麟州於合河津黃河東岸裴家山其地四面絕險有水泉河西對岸又有白塔地亦可建一寨以屯輕兵又河西俱是麟州地界且不失故土見利則進否則固守之蓋舊州勢危而

兵寡多屯則糧不繼少則難守所以遷遠而就近非為
戲國之疆土也若謂麟州既遷則賊壓吾境是不知夷
狄遷徙鳥舉不能以久處設其來居必須耕鑿其地我
於河西出偏師以撓之彼安能持自完之策哉故以謂
不遷有五利不然則有三害省國用惜民力利一也內
禦奇嵐保德火山及嵐石府州沿河一帶賊所利二也
我據其要則可永雖合賊不敢逾河而東利三也商旅
來往以通財貨利四也方河凍時得所屯兵馬五七十
人沿河以張軍勢利五也今麟州轉輸東留料粟費直
千錢若因循不遷則河東之民困於調發無有已時害
一也以孤壘餌敵害二也道路阻艱援兵難繼害三也

且州之四面屬羌遭賊軀脅蕩然一空止存孤壘猶四
支盡發而首面心腹之獨存也今契丹又與西城共謀
待永合必攻河東若朝廷不思禦捍之計而修寧遠寨
是求虛名而忽大患也況靈夏二州皆唐漢古郡一旦
棄之一麟州何足惜哉帝清輔臣曰麟州古郡也咸平
中嘗經寇兵攻圍非不可守今遂欲棄之是將退而以
黃河為界也其寧遠寨宜諭偕速修復之又云在麟
州新秦縣舊名寒嶺咸平三年改今名慶曆二年為西
賊所破尋修復

柔遠寨

在播州宣和三年廢 一在祥州政和四年置

來遠寨

秦鳳路通遠軍天禧元年置熙寧七年廢

安遠寨

在瀘州合江縣元豐三年廢 又在秦鳳路秦州天禧三年置

懷遠寨

在祥州政和四年置

靖遠寨

宣和三年以克州改

威遠寨

宣和三年以隆州改

克遠克
廣南西路

肅遠寨

在秦鳳路秦州舊名裊範大中祥符七年改

定邊平遠寨

在環州通遠縣天禧五年置

開平寨

在原州咸平元年置

通遠寨

在涇原路德順軍慶曆八年置

安邊寨

在涇原路鎮戎軍熙寧四年廢
一在潼州路淳熙十

四年置

寧邊寨

舊暗利寨天聖元年改在施州

靜邊寨

在渭州平涼縣天禧二年修築

安疆寨

在慶州安化縣元豐五年以礮詐寨改 紹聖四年六月十五日環慶路經畧司言修復安疆寨畢工詔防托蕃漢官各賜帛有差二十三日環慶路經畧司言遣皇城使端州刺史權發遣本路鈐轄張存統制諸將人馬提舉修復安疆寨畢工詔張存特除西上閤門使依舊端州刺史權本路都鈐轄餘等第轉官減年支賜並依

安西城例在澧州崇寧四年以當標城改

宋福寨

在澧州慈利縣天禧二年置

安豐寨

在撫州府谷縣慶曆年間修復

安夷寨

在瀘州江安縣舊名婆安熙寧五年改

安穩寨

在南平軍熙寧八年置

遵義寨

在遵義軍宣和三年以遵義軍并遵義縣改

思義寨

在遵義軍宣和三年廢

思忠寨

在隆光州宣和三年廢

思安寨

在邛州大邑縣天聖七年置

思問寨

在忠州南賓縣咸平三年置天聖二年廢

武平寨

秦鳳路階州慶曆五年置

武寧寨

在瀘州合江縣熙寧七年置元廢四年廢五年廢

陽武寨

在代州太平興國四年置

治平寨

治平四年閏三月十九日詔涇原路揆吳州新堡障賜名治平寨青鷄川新堡障賜名鷄川寨仍降詔獎宣撫使郭遼經畫之勤

靈平寨

元豐四年四月二十七日涇原路經畧使章楶奏昨進築平夏城靈平寨首先與臣議論并應副軍興官逐路主將兩城寨提舉官並功效顯著乞優賜推恩詔轉官

循資減磨勘年陞擢差遣有差 一在鎮戎軍舊好水寨紹聖四年改

承平寨

在豐林縣天聖六年置後廢慶曆五年復置

高平寨

在涇原路鎮戎軍慶曆二年置

西平寨

在澧州慈利縣天禧二年置

夷平寨

在施州熙寧六年置

倍平寨

在彰明縣熙寧九年置尋廢

定平寨

舊王家寨政和三年改並在莫州任丘縣

定安寨

舊馬村寨三年改

清平寨

在祥州政和四年置

大拔寨

在環州通遠縣元豐二年廢

樂後寨

在祥州政和四年置

宣威寨

在府州府谷縣嘉祐六年廢

永康寨

在彭州熙寧五年廢永康軍為寨七年廢

樂古寨

在長寧軍政和元年以後州改

青化寨

在豐林縣太平興國八年重修

長樂寨

在峽州景德元年置熙寧八年廢

長武寨

涇原路涇州咸平五年廢縣置

歸順寨

在戎州樊道縣皇祐五年廢

歸正寨

在南平軍隆化縣熙寧八年置

美利寨

純州安溪縣宣和三年改

永興寨

在施州黔寧六年廢

大通寨

在廣南路桂州興安縣雍熙二年置

乾興寨

涇原路在鎮戎軍乾興九年置

平樂寨

在大井縣慶曆八年置

安通寨

在南平軍隆化縣熙寧八年置

延衆寨

在廣南路邕州元豐七年改為富州

新化寨

在泝州大觀三年置

新安寨

在峽州景德元年置熙寧八年廢

熙寧寨

在渭州平涼縣熙寧元年六月十四日詔獎涇原路徑畧使蔡挺以其建議築熙寧寨工畢副都總管張玉以護役勞特賜對衣金帶鞍馬一在涇原路鎮戎軍熙寧元年置

永寧寨

秦鳳路在秦州舊尚書寨至道三年改一在府州府谷縣嘉祐六年廢一在東路晉州臨分縣南寶三年置一在秦鳳路通遠軍建隆二年置一在施州元豐三年置

綏寧寨

在涇原路原州慶曆四年置

順寧寨

涇原路保安軍慶曆四年置

常寧寨

邠州永壽縣熙寧五年自乾州來隸

和寧寨

舊雁頭寨政和三年改

定寧寨

舊父母寨政和三年改在保定軍

堡寧寨

在豐州嘉祐七年置

延寧寨

在延寧軍宣和三年以延寧軍改

嘉會寨

舊弓州宣和三年改

寇頭寨

在雷州海康縣太平興國置

偏頭寨

隸火山軍嘉祐六年廢

腦子寨

在憲州靜樂縣咸平五年修

峽口寨

荆湖路郡州武岡縣大觀元年置

湯口寨

在鼎州熙寧七年廢

索口寨

在澧州慈利縣天禧二年置

王口寨

紹興十四年十一月十四日廣南西路安撫轉運提刑
司言融州王口寨元係平州於紹興四年廢為王口寨
本寨洞民凡有輸賦詞訴並赴融水縣理訴動經一月
方始遣人到京委是遲延乞將王口寨依舊改為懷遠

縣政知寨為知縣差有材武膽勇武以充前所有理任
任滿酬賞並乞依經畧司元奏得王口寨條例施行後
之

臨口寨

在邵州詩竹縣元豐八年置大觀元年改為縣

神本寨

麟州慶曆八年置在連谷縣

赤木寨

荆湖路邵州武岡縣元祐四年置

苦竹寨

紹興二年六月二十一日吏部言建州政和縣民謝安

等乞罷苦竹寨尋下本路監司相度得本寨巡檢下兵
級不循紀律騷擾居民洎至賊發望風潰散委可省罷
從之

慈竹寨

在滋州大觀三年以慈竹填寨改

竹子寨

在彰明縣熙寧九年置尋廢

梅子亞寨

北路在峽州

桃源寨

在鼎州熙寧七年廢

七葉寨

在彰明縣熙寧九年置

蒿平寨

在廊延路延州延水縣太平興國六年置

橫楊寨

在麟州新泰縣天禧四年置治平元年再廢

荔子寨

熙河路岷州熙寧六年置

朱脂寨

隸綏德軍元豐四年置 元符元年五月二十三日廊
延路經畧司言修復朱脂寨畢工紹統制龍神衛四廂

都指揮使吉州刺史王愬遷一官回授子有官者兩人
承受各特遷一官同統制四方館使祁州團練使苗履
遙郡防禦使仍各賜銀絹各五十匹兩朝散郎石丕等
五人候本路進築城寨功賞畢日併取旨餘各等第推
恩

白芳寨

在龍川縣皇祐三年置元豐二年廢

葭蘆寨

紹聖四年四月十一日河東路進築葭蘆寨畢工本路
轉運司郭茂恂呂仲甫各轉一官係在石州紹聖四年
修復元符二年廢為晉寧軍

白馬寨

在涪州大觀四年廢

馬縣寨

熙河路在熙州熙寧六年置

馬鎭寨

在彰明縣熙寧九年置尋廢

龍安寨

在綿州神泉縣熙寧九年置
一在豐林縣舊名龍田

平慶厯四年改

烏龍寨

在隸大山軍舊烏龍川北嶺寨元符二年改

白豹寨

仁宗康定元年環慶路總管任福言西界投來人杜文廣近引路攻破白豹寨及指畫製造攻城雲梯委實誠心投漢乞賜收錄詔從之

鹿角寨

在九龍縣熙寧九年廢

羊祇寨

在瀘州江安縣皇祐二年置熙寧七年廢

九羊寨

元符二年三月十七日涇原路經畧司言進築通峽邊羌九羊寨石門堡畢工詔修築將吏各減年磨勘循資

及賜銀帛有差

鳳隣寨

在隆允州宣和年廢

鴈門寨

在代州太平國年年置

全唐文

宋會要 天都軍力

元符二年四月十七日詔涇原路新築南牟會賜名西
安州宜差有材武諸邊瑣武吏知州事洒水平賜名天
都寨秋葦川賜名臨羌寨西安州戍守共以七十人為
額仍招集馬軍蕃落一指揮步軍保捷一指揮天都臨
羌寨戍守各以三十人為額仍各置馬軍蕃落一指揮
步軍保捷各一指揮逐州寨每年各支破公使探蕃等
錢西安州三萬緡天都臨羌寨各二千緡五月癸亥軍
臣章惇以涇原路建西安州及天都等寨諸路築據安
害是面各徑直相通畢工率百官賀於紫宸殿天都寨

在涇原路鎮戎軍天聖元年修杏林堡改置天聖寨

嘉定元年三月二十八日詔令鎮江府於椿管真州甯

鈔司錢內支撥交子六十貫付盱眙軍天長縣令項椿

管專充修蓋天長寨屋創付商碩疾速措置起蓋安淮

軍寨屋早得圓備毋或減裂既而天長知縣商碩以所

降錢數支用不敷有請於朝詔令封樁下庫取撥兩淮

交子五千貫并行在會子庫五十貫並付盱眙軍天長

縣早已撥交子六十貫專充起蓋淮安軍寨屋使用仰

本縣日下差人前來請領須管如法蓋造候畢工日開

具收支細帳申樞密院

天長寨一

朝天寨在隆兌州宣和三年廢朝天寨

多星寨在誠州漢陽軍漢陽縣

雲內寨在忻州秀容縣

長陽寨在峽州熙寧八年置

馬陽寨舊張家寨政和三年改

渠陽寨元祐五年置黔江縣

相陽寨在夔州路黔江縣大中符符三年置

臨夏寨隸廊延路舊羅密谷嶺寨元符元年改

東山寨在鎮戎軍咸平二年置

元符元年三月十七日詔西上閣門使張存還東上閣

門使成州團練使陞環慶路都鈐轄皇城使通州刺史

張遷秦州團練使更轉一官回授有官子息皇城副使

兼門通事舍人神朴遷文思使以統制兵馬進築興平
城橫山寨畢工兼接納李訢一行歸漢也餘次第推恩
元符元年五月二十一日環慶路經畧司言修築橫山
寨角軍堡畢如京使李浦以防托部役減二年磨
勦橫山寨

巴山寨在峽州景德元年置

樂山寨在荆湖路祁陽縣慶厯四年置熙寧六年廢

豐山寨崇寧三年置在誠州

神山寨在邠州武岡縣紹聖二年置

真宗大中祥符二年六月五日秦州張佖言昨於最窺
寨下大洛門各子口及弓袋口置水寨二不俟朝旨待

罪詔釋之令倍詳具利害續圖以聞

免龍寨

南峯寨在廊延路延水縣太平興國六年置

勝岡寨在荆湖路道州江華縣慶厯初置熙寧六年廢

胡龍寨在合江縣熙寧元年置八年廢

海青寨舊卷姑寨政和三年改

河平寨舊尼姑寨三年改

三河寨舊三女寨三年改並在清河縣

寧河寨在熙河路河州寧城縣熙寧七年以香子城改

紹聖四年九月二十日廊延路經畧呂惠卿言香子河

新寨修築畢工詔以平戎寨為名仍遣內臣押賜惠卿

以下銀合茶藥

香子河新寨

卷之二十九

融江寨在融州融水縣元豐七年置

安江寨在隆州宣和三年廢

臨江寨在熙河路岷州雍熙二年置隸秦州熙寧六年
來隸

若水寨在誠州漢陽軍漢陽縣

獲水寨在火山軍熙寧三年置

七度水寨在南平軍隆化縣嘉祐八年修復

漢沱寨在峽州景德元年置熙寧八年廢

秦鳳路秦州熙寧五年改為通遠軍皇祐五年閏七月

二十三日詔古渭寨修城卒權給保捷請受至和元年

十一月十日秦鳳路經畧安撫司言修秦州古渭寨城

古渭寨

通渭寨秦鳳路通遠軍熙寧元年置以通遠軍改為鞏州

涉灘寨秦鳳路階州慶厯二年置

竹灘寨元祐五年置在黔江縣

新進寨在漢陽軍漢陽縣乾道四年五月二十四日置

白沙寨在荆湖路邵州熙寧六年置

慶元元年七月六日刑兵部言大理寺看詳湖南諸司

審度郴州所乞將宜章黃沙寨移回安福駐劄委是經

久利便欲從看詳到事理施行詔從之黃沙寨

首溪寨在荆湖路潭州熙寧六年廢

萬溪寨在乾明縣熙寧九年置

紹興二十九年四月一日戶部狀准都省批下權發遣
恭州張晦奏本州江津縣清溪寨與南平軍營爲表裏
若南平障寨嚴密軍政整肅自保無虞則清溪關隘與
土丁理宜整治已將清溪接南平軍界去處除民旅出
入大路兩處存留置立鋪屋差人守戍外其私小路盡
行斷塞以絕透漏兼復行整甃土丁三百人乞下帥司
將把截將二人審實給帖先補充清溪寨把截將候把
截每及七年無透漏與比附舊格量行陞轉至都知兵
馬使止仍每年依南平把截給散衣襖本部尋關兵部
看詳檢準紹興二十八年九月四日樞密院劄子夔州
路奏南平軍白錦知堡夷官楊選族廳佐忠帶領夷人

自南平軍白錦堡楊大由私小路入恭州江津縣清流
寨雁門殺虜人口合添屯防拓其雁門正係夷人出沒
隘口舊有把截將佐招安等同土丁把拓自仕招安死
無人守把今自江津縣說諭自邊界至清溪寨主戶苟
炳自出戶下土丁一百清溪寨

鎮溪寨在辰州熙寧三年置

收溪寨元豐六年置元祐三年廢

新泉寨

麻溪寨在峽州景德元年置
陽泉寨卓探寨並咸平二年置後廢在澧州石門縣

龕谷寨熙河路在蘭州元豐四年置

橫谷寨在火山軍雍熙三年置

麻谷寨在廊延路延水縣太平興國六年置

關峽寨荆湖路在邠州熙寧六年置

通峽寨在德順軍舊沒烟前峽元符元年改

峯貼峽寨秦鳳路階州熙寧七年復修

向陽峽寨在汾州慶曆二年置

白崖寨在鼎州熙寧七年廢

土塏寨在代州太平興國六年置

石洞寨並咸平二年置後廢並在澧州石門縣天禧三

年三月一日知澧州曹克己言本州石洞寨深在蠻界

不當要路無所控扼乞集軍馬虛費芻糧望令毀拆止

留兵卒五人守護有事宜馳報靈溪寨從之

石碣寨在代州太平興國六年置

黃石寨在鼎州元豐二年廢

大石寨在代州太平興國四年廢置

寧府寨在寧州府谷縣慶厯年間復修

錦州寨在誠州熙寧八年置

嘉定八年七月十一日知贛州楊長需言本州瑞金縣

正汀盜出入之路而汀州古城寨取瑞金最近欲乞改

古城寨界寨為兩界寨庶使皆得統轄則汀盜有所畏

憚不敢越界從之詳見諸州軍監門古城寨

天禧五年八月十三日環慶總管田敏言初修沿邊七

城寨畢詔與敏等仍賜都監巡檢部役使臣繒帛七城

軍城寨雍正六年置在定遠軍

銀城寨在麟州銀城縣慶曆五年置

隴城寨在秦鳳路秦州慶曆五年置

府城寨在慶州安化縣元豐二年廢

寧城寨熙河路在河州慶曆六年置

會溪城寨在辰州熙寧八年置

安順寨在融水縣景德二年置

石門寨在祥州政和四年置

江門寨瀘州合江縣元豐四年置

弓門寨秦鳳路在秦州太平興國九年置

新門寨在原州至道二年置熙寧三年廢

崗門市寨在楚州鹽城縣乾道六年十二月二十九日置

銅安龍門寨在辰州熙寧八年置

石關寨在錦州神泉縣熙寧九年置

石嶺關寨在忻州季容縣

麻亭寨在邠州永壽縣熙寧五年自乾州來隸

行廊寨在施州元豐三年置

神堂寨麟州慶曆五年置在新秦縣

古樓寨在岳州華容縣嘉祐七年置

樓板寨在代州太平興國五年置

南垣寨河東路在舊七姑姐寨政和三年改

萬店寨在渭州平涼縣咸平三年置

三橋寨河東路在舊大三橋寨政和三年改

橋村煙寨在韶州曲江樂昌乳源三縣乾道二年十月

三十日置

大同寨在瀘州江安縣至和二年置四年廢
其地屬瀘州江安縣至和二年置四年廢

福田寨廣歷四年置熙寧五年廢
其地屬廣歷四年置熙寧五年廢

南田寨在瀘州合江縣元豐九年置

錦田寨荆湖路在道州江華縣廣歷初置熙寧六年廢

遙琪寨在純州宣和三年廢四年復

鹽井寨在邛州蒲江縣天聖元年置

鹽井隴寨在章明縣熙寧九年置尋廢

飛井寨在涇原路德順軍政和七年以飛井塢置

西壕寨在原州端拱元年置

定川寨在渭州平涼縣太平興國八年置慶曆二年廢

寧川寨在景州政和十年置

閭川寨在熙河路岷州熙寧七年置

麻川寨在熙河路岷州熙寧七年置

嘉定四年十一月二十八日直祕閣成都府路提刑李

稹奏照對嘉定府我眉捷為兩縣控帶夷蠻列置寨堡

總十有九處久不脩葺同致頽圯自蒙恩司臬職在經

制邊防委官閱視鳩工繕葺皆已節次了當外惟沐川

一寨隸屬捷為視諸寨尤為衝要照得本寨南與馬湖

夷都兩蠻部落對峙相距纔七十餘里東接叙州之商
州寨亦與兩蠻境界密邇於東西兩路利害相關竊嘗
考今寨即唐之沐源川自唐垂拱中遣我眉鎮曹兵以
兵五十人逐去生獠始平其地咸通中南詔入寇伐木
開道逾雪坡奄至於此唐兵連衄是是遂陷集州以至
成都乾符元年南詔再入寇節度使高駢遣兵追擊於
大渡河因築城以為守沐川有城蓋始於此皇朝至和
元年儂智高判武傳智高自廣中將分兵向蜀朝廷命
郡縣發兵增戍後六年挺為尉景思誼建議謂寨之地
在東而寨之外西山尤高下瞰寨中兵家所忌於是始
議別築為山為寨與今寨相對已而遽廢治平中虛恨

犯邊蜀帥張景元遣龍游簿范師道率兵乘戍又增築
西寨未幾廢故址猶存緣沐川一寨在嘉定境內迤
近成都實望夷入寇之要路頃歲邊警示作本寨城隍
極為苟簡寨內迫窄戍卒皆寄止寨外居民悉為未便
嘗即遣官相視見得今寨前後有兩山前山舊建都廟
後山即景思誼所築西寨是也兩山實與今寨相連而
山脚峻峭便如城郭之狀殆若天設之險惟兩山谷山
有陷闕廚漏去處遂措置錢糧興工增建自下增高砌
行版築累土疊石與都廟西寨相兩山之高相齊聯絡
貫通包三山為一大城周圍總三百一十五丈砌造敵
樓四座增建護城舍及營舍其前來寨外兵丁今已盡

歸本寨駐泊可以增壯邊防震警夷獠並已了畢謹繪
成小圖隨狀繳申尚書省伏乞施行從之同日臺又言
照對守邊之要莫先於土丁而募丁之策必先有以贍
其生然後可以責其力自到任凡管內寨堡關丁去處
並行招集填補皆與優給資糧今來應募之數已目不
少內有一項回民訟陳訴健為平我莊官田除見管人
丁百二十名上寨防拓外其餘頃畝多為豪民富戶侵
占歲月已深視為己物遂致丁額不敷邊面關人守禦
尋行追上逐戶各據供認侵占不虛遂再遣官檢踏今
根括到前來侵占地段總計山田四百九十四坡水田
一千五百九十六畝聚折租數總計米二十三萬斛雜

斛在外以所管租額數丁計新增到三百四十四名通
舊管共計五百五十餘名逐一點閱委皆少壯勇堪
以守邊已開具田段各出公據分給逐丁蠲免諸色官
租自令耕佃贍給無與朋立條約俾令分戍諸寨一一
從長經畫務令永遠遵守又念前來民訟所訴侵占之
家回循歲久間有使錢承允視同已業者一旦恣行拘
沒妻是失業可憐尋措置緡錢支還逐戶總計二萬四
千二百餘引別作帳冊隨狀繳中尚書省又契勘丁數
既多若非差官一員統轄訓練卻恐紀律不嚴事藝不
習緩急之間或誤驅使見議於本莊上下兩保之間建
置堡柵為會合教閱之所就差見駐劄健為縣嘉眉同

巡檢一員提領堡事欲乞將嘉眉同巡檢員關許今銜兼帶知平戎堡教習土丁庶幾責任有歸總會有所可
以久而不費廢實西蜀無窮之利位之沐川寨

臺宜寨在澧州慈利縣天聖二年置

零陵寨天聖八年置熙寧六年廢

截原寨在原州太平興國元年置熙寧三年廢

崞寨在代州在太平興國四年置

越場寨鄜延路延州延水縣太平興國六年置

東安寨在荆湖路永州東安縣天聖八年置

南安寨在豐林縣慶歷五年復修復

平南寨在忠州南賓縣咸平三年置天聖二年廢

綏南寨在利州路文州大觀元年置

靖南寨宣和三年以孚州改

紹興四年九月五日廣南西路經畧安撫轉運提刑司
奏契勘西峯定南寨及應定寨安兩柵昨來原韜吳懷
等破蕩人民離散近方收復正是控扼去處難以廢罷
外照峯一柵係在澄邁縣界卻不是控扼黎賊去處今
欲將照峯柵廢罷更不差置土丁守禦從之寨西峯定南
通西寨在秦鳳路元豐五年改為吹東龍堡元豐六年
閏六月十四日照河蘭會路制置司上增築定西城通
西寨文武功狀詔五等皆賜銀絹第一等四人三百匹
兩第二等一人二百等三等六十六人百五十第四等

卷一萬壽百十九

一十三人百第五等二十七人七十

平西寨在澧州紹聖四年置

定西寨秦鳳路秦州建隆二年置

西涇寨在代州太平興國四年置

金明寨在肅州熙寧五年廢縣置

銀川寨在廊延路元豐五年置九月八日詔賜永樂城

曰銀川寨先是廊延路計議邊事徐禧等言已定永樂

下縣作寨地形險固三面阻崖表裏山河氣象雄壯八

月二十五日興工今月六日成畢凡二十萬工城去永

樂上縣八里故銀川二十五里米脂寨五十里永樂蓋

以小川為名城前正據銀州大川乞賜名故有是詔

金斗寨在隆光州宣和三年廢

安碓寨施州元豐三年置

六盤寨在渭州平源縣咸平三年置

鐮刀寨在豐林縣慶厯五年修復

元豐五年五月十二日上批代州諸寨踏成蹊徑二十
七處及瓶形寨地圖令河東經畧司指揮代州并準備
提舉主管開壕立墩官候北界來計會即自團山子鋪
以西分水嶺脊依畫圖商量取直開立壕墩其向西路
成蹊徑處同行修治取令依舊不得展縮二十五日代
州言據瓶形寨中有北人欲於瓶形寨地壕墩盡處取
直向東往團山子過往當巡監押吉先說諭令回上批

卷一百一十五

已嘗圖付代州候壯人來立壕候准此施行即是聽其
過往今却約攔乃是全不曉事而煩朝廷行遣啟侮夷
狄宜令分紜聽壯人取直過往統形寨

桿杖寨在忠州南賓縣咸平三年置天聖二年廢
三盤堡寨在綿州神泉縣熙寧九年置

白博寨在鼎州元豐二年廢

下鎮寨在火山軍慶厯元年置

榮懿寨在南平軍隆化縣熙寧八年自渝州來隸

詩渠寨在辰州天聖六年置

真成鎮寨在辰州天聖六年置

城步寨荆湖路在邵州熙寧六年置

茹越寨在代州太平興國四年置

賁保寨在沅州元豐三年置六年隸誠州元祐六年廢
熙寧二年復

小由寨元豐四年以小由長漫村堡改五年隸誠州六
年後來隸七年復隸誠州尋廢

延貢寨在安仁縣慶曆三年置

吐步寨在欽州靈山縣至道三年間置

黑泊寨在鄜延路延州延水縣太平興國六年置

栲栳寨在豐林縣慶曆五年修復

桔槔寨熙寧元年廢

撥禮寨在歸州秭歸縣

卷一百一十五

折疊寨在歸州巴東縣咸平二年置
宕昌寨在熙河路岷州熙寧七年置